

Javni poziv za učešće u Programu sufinansiranja zapošljavanja VSS, VŠS, SSS i KV mladih osoba bez radnog iskustva u 2018/2019. godini

Obrazac PrijaveJU Služba za zapošljavanje ZDK u saradnji sa Ministarstvom za rad, socijalnu politiku i izbjeglice ZDK, počinje realizaciju Programa sufinansiranja zapošljavanja VSS, VŠS, SSS i KV mladih osoba bez radnog iskustva u 2018/2019. godini. Programom je predviđeno zapošljavanje mladih osoba dobi do 35 godina, bez radnog iskustva u struci, koje se nalaze na evidenciji Službe najmanje dan prije prijave poslodavca na Javni poziv, i koje aktivno traže posao. Istim je predviđeno sufinansiranje zapošljavanja mladih nezaposlenih osoba VSS/VŠS sprema u trajanju od 12 mjeseci, te sufinansiranje zapošljavanja mladih nezaposlenih osoba SSS/KV sprema u trajanju od šest mjeseci, izuzev pripravnika VSS sprema medicinske struke, čije se zapošljavanje sufinansira u trajanju od 6 mjeseci.

Osnovni mjesečni iznos poticaja je 350,00 KM i za VSS/VŠS sprema i za SSS/KV sprema, i isti obuhvata dio troškova obaveznih doprinosa i/ili dio neto plaće.

Osnovni iznos poticaja se može povećati za 50,00 KM mjesečno, ukoliko je u pitanju zapošljavanje nezaposlenih osoba koje su duže od šest mjeseci na evidenciji nezaposlenih od dana prijave poslodavca na Javni poziv.

Za realizaciju Programa je predviđeno ukupno 690.000,00 KM, koje obezbjeđuje Vlada Zeničko-dobojskog kantona i Ministarstvo za rad, socijalnu politiku i izbjeglice ZDK, od

čega je planirano sufinansiranje zapošljavanja 100 VSS/VŠS pripravnika i 100 SSS/KV pripravnika. Za realizaciju Programa je zadužena Služba za zapošljavanje ZDK.

Javni poziv za učešće u Programu će biti objavljen 04.07.2018. godine putem oglasne ploče, internet stranice Službe: www.zdk-szz.ba, te internet stranice Vlade ZDK: www.zdk.ba.

Javni poziv ostaje otvoren 15 dana od dana objavljivanja.

Prijave na Javni poziv sa nekompletnom dokumentacijom neće se uzeti u razmatranje.

Zainteresovani poslodavci se prijavljuju na Javni poziv popunjavanjem prijave (aplikativnog formulara) na Program, koju će moći preuzeti na internet stranici Službe: www.zdk-szz.ba, te na internet stranici Vlade ZDK: www.zdk.ba.

U nastavku možete preuzeti tekst Programa i tekst Javnog poziva.

Pozivaju se poslodavci i nezaposlene osobe da se upoznaju sa sadržajem programa radi eventualnog učešća.

- Program sufinansiranja zapošljavanja VSS, VŠ, SSS i KV osoba bez radnog iskustva u 2018-2019 godini
- Javni poziv

Obavještavaju se poslodavci da je Javni poziv po ovom programu istekao sa 19.7.2018. godine.

ISPLATA REDOVNE NOVČANE

NAKNADE ZA MJESEC MAJ 2018. GODINE

Obavještavaju se korisnici kojima je priznato pravo na novčanu naknadu u skladu sa Zakonom o posredovanju u zapošljavanju i socijalnoj sigurnosti nezaposlenih osoba, da je dana 29. JUNA 2018. godine izvršena isplata novčane naknade nezaposlenim osobama za mjesec MAJ 2018. godine, kao i novčane naknade za zaostali period.